



1 4
1544
130



14
1544
130

全五代詩卷四十

羅江李調元雨村編

前蜀

前主王建

建字光圖許州舞陽人少為忠武軍卒稍遷隊
 將楊復光討黃巢建為都頭僖宗使將神策軍
 宿衛文德元年為招討牙內都指揮使大順二
 年檢校司徒成都尹節度劍南西川招撫雲南
 八國等使天復三年封蜀王梁既篡唐僭即帝
 位卒號高祖

全五代詩卷四十

羅江李調元雨村編

前蜀

前主王建

建字光圖許州舞陽人少為忠武軍卒稍遷隊
 將楊復光討黃巢建為都頭僖宗使將神策軍
 宿衛文德元年為招討牙內都指揮使大順二
 年檢校司徒成都尹節度劍南西川招撫雲南
 八國等使天復三年封蜀王梁既篡唐僭即帝
 位卒號高祖

歐陽史建少無賴以屠牛盜騾販私監為事里人
 謂之賊王八 全唐詩話建妻弟眉州刺史周德

權值梁祖篡唐引讖文上表勸進云李祐西王逢吉昌德允興丹莫當
解曰李祐西王言唐後王氏興西方也西方為元丹朱也言朱梁不敢
抗也建大悅遂即位擢德權中書令

贈別唐太師道襲

非歲便將為肘腋二紀何曾離一日更深猶向立案前
敷奏柔和不傷物今朝榮貴慰我心雙旌引向重城出
褒斜舊地委勲賢從此生靈永泰息

後主行

衍字化源建之子為後唐所滅有烟花集

十國春秋感康
元年九月奉太后太妃備青城山宮人皆衣雲霞之衣自製甘州曲令宮人唱
之其詞哀怨聞者慘淒詞曰西羅裙能結束稱腰身柳眉桃臉不勝春薄
足精神可惜許淪落在風塵意本謂神仙在凡塵耳及降中原宮人
淪落人間蜀構祝云嘉王宗壽每諫諍衍不樂燕會衍命工人

蕭歌其所撰宮詞送宗壽酒宗壽懼禍乃飲佞臣潘在迎曰嘉王聞玉
蕭即飲請以玉簪賜之行曰王必不納其詞云云北夢瑣言雙伎韓昭

顧珣潘迎等為狎客競又手搥頭唐師入境過其報而遊幸師至利
州方知將然曰且打又手搥頭念宣歌曰不知身命促把燭夜行遊
令官女連臂又蜀王衍俘繫入秦至劍閣見山川之美賦詩云不緣朝
夜闕去來此結萍廬時人笑之至咸陽又作曲子云盡是一場春願得與
夫無愁入井者所較無多也五代史蜀人富而喜遊當王氏晚年競為小
帽僅覆其頂謂之危腦帽又好裹尖巾其狀如錐而後宮皆戴金蓮花冠衣
道士服酒酣免冠其髻
影然更施朱粉舞醉舞

醉粧詞

者邊走那邊走只是尋花柳那邊走者邊走莫壓金杯

酒

幸秦川上梓潼山

喬巖簇冷烟幽徑上寒天下瞰峨眉嶺上窺華岳巔

馳非取樂按幸為憂邊此去如登陟歌樓路幾千

題劍門

緩轡踰雙劍行行躡石稜作千尋壁壘為萬祀依憑道
德雖無取江山粗可矜回看城闕路雲疊樹層層

過白衛嶺和韓昭儉

先期神武力開邊畫斷封疆四五千前望隴山屯劍戟
後憑巫峽鎖烽烟軒皇尚自親平寇嬴政徒勞愛學仙
想到隗宮尋勝處正應鶯語暮春天

宮詞

輝輝赫赫浮玉雲宣華池上月華新月華如水浸宮殿

有酒不醉真癡人

張格

格字義師河間人唐宰相濬之子仕蜀為翰林
學士拜中書侍郎同平章事累加右僕射太傅

十國春秋梁王全忠將謀篡代密諷張全義圖濬乃令楊麟率健卒圍其
野殺之永安縣葉彥者張氏待之素厚當麟來彥偵知之奔告格曰相公之
禍不可免即君且自為計格與濬父子持泣濬謂之曰留則併命去則遺種
汝勿以吾為累格拜辭以行彥乃統義士三十人送渡漢江而旋格由荊州
上峽入成都時唐亂人士多依西川以避難高祖雖起戍伍
為人饒智畧善待士故所用皆唐名臣族而待格恩禮尤異

寄禪月大師

龍華咫尺斷來音日夕空馳詠德心禪月字清師號別
壽春詩古帝恩深畫成羅漢驚三界書似張顛直萬金

莫倚名高忘故舊曉晴閑步一相尋

周庠

庠唐龍州司馬後事王建累官御史中丞中書

侍郎同平章于王衍嗣位進司徒

十國春秋庠子仁短官駙馬都尉粗

有才藻而庸劣特甚凶七後與貧丐者伍令一人先道爵里於市肆間有哀之者日獲錢數百相與飲傲為樂成都人皆嗟歎之

寄禪月大師

昨日塵遊到幾家就中偏省近宣麻水田鋪座時移画
金地譚空說盡沙傍水欲添犀浦石栽松更碾味江茶
有時捨得休公卷倚杖閑吟見落霞

王錯

錯字鱣祥仕蜀

翰林學士遷御史中丞歷中

書侍郎同平章

事十國春秋唐師入成都李昊草降表上軍聞而降書則錯寔為之錯至洛陽唐授以

刺史錯上表乞後主骸骨歸葬蜀山有云生為萬乘之君死在匹夫之手不允人頗稱之錯家藏書數千本多手自丹黃又親寫釋藏經若干卷每趨朝於白藤擔子內鈔書書法絕工其好學亦足取者

贈禪月大師

長愛吾師性自然天心白月水中蓮神通力遍恒沙外
詩句名高八米前尋訪不聞朝振錫修行准說夜安禪
太平時節俱無事莫惜時來話草元

庾傳素

傳素事王建為蜀州刺史累官至左僕射同平

章事罷為工部尚書衍嗣立加太子太保兼中

書侍郎後降唐為刺史卒

十國春秋傳表領蜀州時有唐興縣郎吏楊會者事傳素甚謹

及傳素為相除長馬以酬之會堅辭曰會之吏役遠近皆知忝冒為官

蓋掩人口且捨數千家供待而博一虛名長馬無益也時人稱其有識

木蘭紅豔多情態不似凡花人不愛移來孔雀檻邊栽

折向鳳凰釵上戴是何芍藥爭風彩自共牡丹長作對

若教為女嫁東風除却黃鶯難匹配

馮涓

涓字信之東陽人舉進士登大中四年宏詞科為京兆府參軍尋隱商山昭宗起為祠部郎中

擢眉州刺史田陳拒命不令之任涓於成都置

池灌園自給王建據蜀以為翰林學士終御史

大夫所著有南冠龍吟長樂等集十三卷

北夢瑣言馮涓

分符眉州不得之任踟躕陳田之間羈愁六年著懷秦賦有南冠梁川歌詩皆自傷踟躕也
蜀賦引云云又題支機石云不隨俗物皆成土
只待良時却補天苦雨行云益魚化作池中物禾履
為笑際船蜀城析骸之際幾至殍
因投粥米家活有詩云取水郎中何日了被柴員外
發時休早知蜀地
區婚與悔不長安大比印
通鑑綱目涓為建草殺陳敬瑄田令孜表云開押出虎孔宣父不責他人
當路斬蛇孫叔敖蓋非利已云云天下快之
十國春秋涓撰檄龍文大蟲榜嶮竿歌皆有文
采涓性滑稽語多譏諷高祖常問擊輪之戲
翔自何人涓對曰郎八所製高祖為大笑又與司空
錯等小酌錯舉令一字三呼
兩物相似曰樂樂樂冷淘似餽餽涓曰已已已驢糞似馬矢
坐中大噱涓但長嘯而已又云中四年進士馮涓登第榜中文譽最高是
歲暹羅國起樓厚齋金帛奏請撰記時人榮之

蜀賦引

昂藏大步蠶叢國曲頸微伸高九尺卓女窺窓莫我知
嚴仙據案何曾識

自古皆傳蜀道難爾何能過拔蛇山忽驚登得鷄翁磧
又恐礙著鹿頭關

楊玠

玠字靖夫虞卿之曾孫也蜀王建時累官禮部
尚書衍嗣位謫榮經尉乾德中復為太常少卿

後歸後唐授工部尚書

談苑玠自蜀歸唐長安舊居多為
鄰里侵占子弟欲詣府訴其事以

狀白玠玠批紙尾云四鄰侵我我從伊畢竟須思未有時試上含元
殿基望秋風秋草正離離子弟不復敢言又登慈恩寺塔
曲江平鴉噪殘陽麥隴青莫上
慈恩最高望不堪看又不堪聽

遣歌伎

垂老無端用意乖誰知道侶厭清齋如今又采靡蕪去
辜負張君繡鞞鞋

韓昭

昭字德華長安人為蜀後主王衍狎客累官禮
部尚書文思殿大學士唐兵入蜀王宗弼梟斬

送唐

十國春秋昭性便佞善窺迎人意與潘炕子在迎顧彥朗子在
珣同為後主狎客後主起宣華苑昭與諸近臣日夜侍後主酣

飲其中男女雜坐褻慢無所不至或為豔歌唱和沉湎無虛日又昭粗
有文章至於琴棋書射法悉皆涉獵有朝士李台瑕譏之曰韓八座
事藝如折襪線無有寸長時人避之海錄碎事
載李台瑕云韓昭凡事如僧剃髮無有寸長

和題劍門

全唐詩話 卷四
閉關防老寇孰敢振威稜險固疑天設山河自古憑三
川奚所賴雙劍最堪矜鳥道微通處烟霞鎖百層

從幸秦川過白衛獻詩

吾王巡狩為安邊此去秦亭尚數千夜照路岐山店火
曉通消息成瓶烟為雲巫峽雖神女跨鳳秦樓是謫仙
八駿似龍人似虎何愁飛過大漫天

李浩弼

浩弼蜀翰林學士

從幸秦川賦鷲獸歌

巖下年年自寢訛生靈餐盡意如何爪牙眾後民隨滅

溪壑深來骨已多天子紀綱猶被美庸人窮獨固難
長途莫怪無人跡盡被山王稜却他

盧延讓

延讓字子善范陽人唐光化九年進士第朗陵

雷滿辟從事滿敗歸王建開國授水部員外郎

累遷給事中終刑部侍郎卒

撫言先是延讓師薛許下能為詩詞意入僻時人多笑

之吳翰林融為侍御史出官峽中延讓時薄遊荆渚負無卷軸未遑贄謁會融表弟滕籍者偶得延讓百篇融覽大奇之曰此無他貴不尋常耳于是稱之于府主成內時故相張公職大租於是邦常以延讓為笑端及融言之咸所改觀延讓深所感激然猶因循竟未相面後值融赴急徵入內庭孜孜于公卿間稱譽不已光化戊午歲來自相南融一見如舊相識延讓嗚咽流涕于是據臂成之矣又盧延讓業僻澁詩吳翰林雖以賦卷擢第然八面受敵深知延讓之能延讓始投贄卷中有說詩一篇斷句云因知文財易為下得之乎子華笑曰上門惡馬來詩史蜀盧延讓獻王建詩卷中有

栗爆燒醜破猫跳觸昂翻之句後建與潘峭在內殿平章邊事令官人于爐中爆栗栗爆出燒損繡褥子建多疑每燒金鼎子唯徐妃二妹妹侍茶湯而已是夜猫誤觸昂翻建曰憶延讓詩有一聯云先輩裁詩信無虛境遂有六行之拜詩訪總龜作盧延遜上太宗詩潘峭作潘美延遜當即延讓宋諱讓字故也盧延讓詩曰為容易如每過私第邀看鶴長著公裳送上驢高僧解語牙無水老鶴能飛骨有風其殆庶幾又如栗爆猫跳云云而楊文公愛之不知何謂 談苑延遜詩淺近人皆笑之惟吳融獨重之且云後必垂名延遜詩亦有佳處宿東林云兩三條電發為雨七八個星猶在天衣舍言懷云名紙毛生五門下家童骨立六街中蜀路云雷間聞鐸驟馱去雪裡殘骸虎拽來寄人云吟安 個字撚斷數莖髭又樹上諾詼批頰鳥意間扇膊叩頭虫余在翰林常召對上舉延遜詩云辟月鷹馬健卒懸瓊帽騎馬佳人卷畫衫雖淺近亦自成一體 全唐詩話云讓有哭亡將詩云日是礪砂發非千駭石傷牒高身上職盟友背邊瘡亦善誌也 北夢瑣言延讓有詩云不同文賦異為是者之乎復入翰林閣而已同列戲之曰不同文賦易為是者之乎竟以不稱職數日而罷 十國春秋延讓所業詩有狗觸店門開饑猫臨鼠穴噉大舐魚沽諸句甚為張濟成內所賞及高祖時復以詩語巧合權用延讓謂人曰平生投謁公卿不意得力于猫兒狗子聞者大噱 紀事延讓入蜀頗為蜀人所見 云莫欺零落殘牙齒曾吃紅綾餅餽來延讓放進去第二人曾燕 勅大官十八人賜餅餽蓋唐御食以紅綾餅餽為上品也 郭即

讓雪詩云渡水蹇驢雙耳直避風羸僕一肩高 海錄碎事延讓有甲孟浩然句云高拔襄陽播盛名問人人道真詩星 錦繡萬花谷延讓有句云涼雨打低殘 苗急風吹散小蜻蜓

苦吟

莫話詩中事詩中難更無吟安一箇字撚斷數莖鬚險覓天應悶狂搜海亦枯不同文賦易為著者之乎

雪

瑞雪落紛華隨風一向斜地平鋪作月天迴撒成花客滿燒烟舍牛牽賣炭車吾皇憂挾纊猶自問君家

冬除夜書情

兀兀坐無味思量誰與隣數星深夜火一個遠鄉人雁

翫天微雪風號樹欲春愁章自難過不覺苦吟頻

觀新歲朝賀

龍墀初立仗鴛鴦列班行元日燕脂色朝天捧燭香表
章堆玉案繒帛滿牙牀三百年如此無因及我唐

八月十六日夜月

十六勝三五中天照大荒祇訛些子緣應耗沒多光桂
老猶全在蟾深未煞忙難期一年事到曉泥詩章

松寺

山寺取涼當夏夜共僧蹲坐石階前兩三條電欲為雨
七八箇星猶在天衣汗稍停床上扇茶香時撥閭中泉

通宵聽論蓮華義不藉松窗一覺眠

贈僧

浮世浮華一斷空偶拋煩惱到蓮宮高僧解語牙無水
老鶴能飛骨有風野色吟餘生竹外山陰坐久入池中
禪師莫問求名苦滋味過於食蓼蟲

逢友人赴闕

正當天下待雍熙丹詔徵來早為遲倚馬才高猶愛藝
問牛心在肯容私吏開黃閣排班處民擁青門看入時
却笑郡人留不得感恩唯擬立生祠

哭李郢端公

軍門半掩槐花宅每過猶聞哭臨聲
東都權墓未歸塋漸窮老僕慵看馬
著慘佳人暗理箏詩侶酒徒消散盡
一場春夢越王城

謝楊尚書惠櫻桃

滿合虛紅怕動搖尚書知重賜櫻桃
揉藍尚帶新鮮葉潑血猶殘舊折條
萬顆真珠輕觸破一團甘露軟含消
春來老病尤珍荷併食中腸似火燒

寒食日戲贈李侍御

十二街如市紅塵咽不開灑蹄驄馬
汗沒處看花來

樊川寒食二首

寒食權豪盡出行一川如畫雨初晴
誰家絡絡游春盛擔入花間軋軋聲

鞍馬和花總是塵歌聲處處有佳人
五陵年少麤於事

張道古

道古一名覲字子美臨淄人景福中擢
進士第官右拾遺以直諫謫施州司戶
後入蜀王建召

為武司郎中尋復貶死

十國春秋道古為右拾遺播遷之後上疏言五危二亂七事謫官去

後賣卜青城市中韋莊薦為節度使官又上高祖詩序五危二亂事為同僚所疾安置茂州鄭雲叟在華州聞其卒作詩弔之詩話曹貝休悼張道古詩云清河逝水大恩恩東觀無人失至公天上君恩三載隔鑑中鸞影一時空墳生苦霧蒼茫外門掩寒雲寂寞中惆悵斯人又如此

一聲蠻笛
滿江風

上蜀王

封章才達冕旒前
黜詔俄離玉座端
二亂豈由明主用
五危終被佞臣彈
西巡鳳府非為固
東播鑿輿卒未安
諫疏至今如可在
誰能更與讀來看

牛嶠

嶠字松卿隴西人
乾符五年進士官尚書郎王
建僭位為給事中有集三十三卷

十國春秋嶠自言
竊慕李賀長歌舉
筆輒效之尤善製小詞女冠子云繡帶芙蓉帳金釵芍藥花又山月照
山花夢回燈影斜皆嶠佳句也 陸游云嶠定西番為塞下曲望江怨
為閨中曲是盛唐遺音及讀翠娥愁不抬頭則又刻
細似晚唐 姜白石云嶠有楊柳枝詞見稱於時

春曉曲

春入橫塘搖淺浪
花落小園空惆悵
此情誰信為狂夫
恨翠愁紅流枕上
小玉窗前嗔燕語
血淚滴穿金線縷
雁歸不見報郎歸
織成錦字封過與

紅萼薔薇

曉啼珠露渾無力
繡簇羅襦不着行
若綴壽陽公主額
六宮爭肯學梅粧

楊柳枝

解凍風來末上青
解垂羅袖拜卿卿
無端裏娜臨官路
舞送行人過一生

吳王宮裡色偏深一簇纖條萬縷金不憤錢塘蘇小小

引郎松下結同心

丹鉛總錄云因詠柳而貶松所謂尊題格也有改松下作枝下者誤

橋北橋南千萬條恨伊張緒不相饒金羈白馬臨風望
認得羊家靜婉腰

狂雪隨風撲馬飛惹烟無力被春欺莫教移入靈和殿
宮女三千又妬伊

裏翠籠烟拂暖波舞裙新染麴塵羅章華臺畔隨堤上
傍得春風爾許多

牛希濟

希濟嶠之兄子隴西人仕蜀王衍時為起居郎

崇官翰林學士御史中丞後入後唐為雍州節

度副使

碧溪詩話錄天咸初明宗召上蜀舊臣賦詩惟中丞牛希濟最佳明宗曰希濟不忘君親忠孝也賜物百段

十國春秋希濟素以詩辭稱名所撰臨江仙二闕有云月斜江上征棹動晨鐘又云皆道勝人間頃知狂客拚死為紅顏特為詞家之雋又次牛嶠女冠子四闕時輩噴噴稱道女冠子故唐駱賓王代王靈妃贈李榮長篇因取以為名

閨怨

春山烟歛收天澹星稀小殘月臉邊明別淚臨清曉語
多情未了回首猶重道記得綠羅裙處處憐芳草

奉詔賦蜀主降唐

得川字

滿城文武欲朝天不覺隣師犯塞烟唐主再懸新日月
蜀王難保舊山川非千將相扶持拙自是君臣數盡年

五代詩

卷四

前蜀

士

達之分可見莊感懷七律詩末句云大道不將爐冶去有心重立太平
 其真詩甚壯故至台輔 此夢鎖言杜荀鶴嘗吟一聯云舊衣灰絮絮
 新酒竹筍筍或語於莊莊擬之曰印將金鎖鎖簾用玉鉤鉤即大
 拜之祥也 胡孝轅祭戴章莊詩靜極却嫌流水開開多翻笑野雲
 忙本於老杜之水流心不競雲在意俱遲但多着一嫌字笑字覺非
 真簡真靜耳 又莊卒之歲日誦杜甫白沙翠竹江村暮相送柴門月
 色新之句吟詠不置及卒葬白沙之陽 十國春秋莊有美姬善安翰
 高祖託以教宮人為辭強奪去莊作謁金門詞憶之云空相憶無計
 得傳消息天上嫦娥人不識 寄書何處覓新睡與見來無力不忍把
 君書逐滿院落花春寂寂斷腸芳草碧 石姬聞之不食而死 又莊
 常取唐八麗句勒成又元集其自序云謝元暉文集盈編止誦澄江之
 句曹子建詩名冠古惟吟清夜之篇是知美稼子霜而岐奚少繁弦九
 變大獲此稀入華林而珠樹非多閱衆籟而紫簫惟一所以擷芳林下
 拾翠巖邊沙之汰之始辨碎寒之寶載雕琢琢方成瑚璉之珍故知額
 下採珠難求十斛管中窺豹但取一斑思食馬留肝徒云染指豈烹魚
 去乙或至傷鱗自慙乎 鱣鼠易盈非嗟其能躍獨美然則律者既
 採繁者是除何知黑白之驚強識滯澁之水莊文詞甚多不具錄 茂齋
 莊浣花集弟藹編錄序略云家兄自庚子亂離前凡著歌詩文章數十通
 屬兵火迭與簡編俱墜惟餘口誦者存者幾耳後流離湮沒寓目緣
 情追於祭亥歲又綴僅千餘首辛酉春應聘為蜀奏記明年浣花溪尋

得杜工部舊址結茅為室思其人欲成其處藹因錄兄稿或默誦者次
 為十卷自之曰浣花集亦杜陵所居之義也後所製用繼于右時祭亥
 六月九日一按偽史莊全集二十卷是公武讀書志稱僅存五卷今行
 世十卷入蜀後詩際無之亦非全本也集以年為次今編分辭仍注其
 年于下集所不載者搜得七
 十首注補遺二字附各辭末

平陵老将

白羽金僕姑腰懸雙轆轤前年蔥嶺北獨戰雲中胡足
 馬塞垣老一身如鳥孤歸來辭第宅却占平陵居

少年行

五陵豪客多買酒黃金賊醉下酒家樓美人雙翠攄揮
 劍邯鄲市走馬梁王苑樂事殊未央年華已云晚

閨月

明月照前除煙華蕙蘭濕清風行處來白露寒蟬急美人情易傷暗上紅樓立欲言無處言但向姮娥泣

閨怨

戚戚彼何人明眸利於月啼妝曉不乾素面凝香雪良人去淄右鏡破金簪折空藏蘭蕙心不忍琴中說

上春詞

瞳矐赫日東方來禁城煙煖蒸青苔金樓美人花屏開晨妝未罷車聲催幽蘭報暖紫芽折天花愁艷蝶飛迴五陵年少惜花落酒濃歌極翻如哀四時輪環終又始百年不見南山摧遊人陌上騎生塵顏子門前吹死灰

擣練篇

月華吐艷明燭燭青樓婦唱擣衣曲白袷絲光織魚目菱花綬帶鴛鴦簇路風縹緲疊秋雪月下丁冬擣寒玉樓蘭欲寄在何鄉憑人與繫征鴻足

雜體聯錦

攜手重携手夾江金線柳江上柳能長行人恋尊酒尊酒意何深為郎歌玉簪玉簪聲斷續鈿軸鳴雙轂雙轂去何方隔江春樹綠樹綠酒旗高淚痕沾繡袍袍縫紫鶯濕重持金錯刀錯刀何燦爛使我腸寸斷腸斷欲何言簾動真珠繁真珠綴秋露秋露沾金盤金盤湛瓊液

仙子無歸跡無跡又無言海煙空寂寂寂寂古城道馬
嘶芳岫草岫草接長堤長堤人解携解攜忽已久緬邈
空回首回首隔天河恨唱蓮塘歌蓮塘在何許日暮西
山雨

長安春

長安二月多香塵六街車馬聲鞦韆家家樓上如花人
千枝萬枝紅艷新簾間笑語自相問何人占得長安春
長安春色本無主古來盡屬紅樓女如今無柰杏園人
駿馬輕車擁將去

撫盈歌

鳳穀兮鴛綃霞疏兮綺寮玉庭兮春畫金屋兮秋宵愁
瞳兮月皎笑頰兮花嬌羅輕兮濃麝室煖兮香椒鑿與
去兮蕭屑七絲斷兮沈寥主父卧兮漳水君王幸兮雲
輶鉛華宵窈兮穠姿棠公盱蟹兮靡依翠華長逝兮莫
追晏相望門兮空悲

信州西三十里山名僊人城下有月巖山其狀秀
拔中有山門如滿月之狀余因行役過其下聊賦
是詩

驅車過閩越路出饒陽西僊山翠如畫簇簇生虹蜺群
峰若侍從衆阜如嬰提巖巒互吞吐嶺岫相追攜中有

月輪滿皎潔如圓珪玉皇恣遊覽到此神應迷常娥曳
霞帔引我同攀躋騰騰上天半玉鏡懸飛梯瑤池何情
悄鸞鶴煙中棲回頭望塵世露下寒淒淒

乞彩牋歌

浣花溪上如花客綠閣紅藏人不識留得溪頭瑟瑟波
潑成紙上猩猩色手把金刀擘綵雲有時翦破秋天碧
不使紅霓段段飛一時驅上丹霞僻蜀客才多染不供
卓文醉後開無力孔雀銜來向日飛翩翩壓折黃金翼
我有歌詩一千首磨礮山岳羅星斗開卷長疑雷電驚
揮毫只怕龍蛇走班班布在時人口滿袖松花都未有

人間無處買煙霞須知得自神仙手也知價重連城璧
一紙萬金猶不惜薛濤昨夜夢中來殷勤勸向君邊覓

贈峨嵋山彈琴李處士

峨嵋山下能琴客似醉似狂人不測何須見我眼偏青
未見我身頭已白茫茫四海本無家一片愁雲颺秋碧
壺中醉卧日月明世上長遊天地窄晉朝叔夜舊相知
蜀郡文君小來識後生常建彼何人贈我篇章苦雕刻
名卿名相盡知音遇酒遇琴無間隔如今世亂獨嶠然
天外鴻飛招不得余今正泣楊朱淚八月邊城風刮地
霓旌絳旆忽相尋爲我尊前橫綠綺一彈猛雨隨手來

再彈白雪連天起淒淒清清松上風咽咽幽幽隴頭水
吟蜂遶樹去不來別鶴引雛飛又止錦鱗不動惟側頭
白馬仰聽空豎耳廣陵故事無人知古人不說今人疑
子期子野俱不見烏啼鬼哭空傷悲坐中詞客悄無語
簾外月華庭欲午為君吟作聽琴歌為我留名係仙譜

南陽小將張彥瑛口鎮稅人場射虎歌

海內昔年狎太平橫目穰穰何崢嶸天生天殺豈天怒
忍使朝朝餵猛虎關東驛路多邱荒行人最忌稅人場
張彥雄特制殘暴見之叱起如此羊鳴弦霹靂越幽阻
往往依林猶抵拒草際旋看垂節茵腰間不便抽白羽

老饕已斃眾雛愁童稚椰榆皆自勇忠良効順勢亦然
一劍猜狂敢輕動有文有武方為國不是英雄伏不得
試徵張彥作將軍幾箇將軍願策勳

章臺夜思

清瑟怨遙夜遶弦風雨哀孤燈聞楚角殘月下章臺芳
草已云暮故人殊未來鄉書不可寄秋鴈又南迴

延興門外作

芳草五陵道美人金犢車綠奔穿內水紅落過牆花馬
足倦遊客鳥聲歡酒家王孫歸去晚宮樹欲棲鴉

劉得仁墓

至公遺至藝終抱至寬沉名有詩家業身無戚里心桂
和秋露滴松帶夜風吟冥冥知春否墳高日已深

梁氏水齋

獨醉任騰騰琴瑟亦自能卷簾山對客開戶犬迎僧看
蟻移苔穴聞蛙落石層夜窓風雨急竹外一菴燈

曲池作

細雨曲池濱青袍草色新詠詩行信馬載酒喜逢人性
為無機率家因守道貧若無詩自遣誰奈寂寥春

嘉會里閑居

豈知城闕內有地出紅塵草占一方綠樹藏千古春馬

嘶遊寺客犬吠探花人寂寂無鐘鼓槐行接紫宸

夏夜

傍水遷書榻開襟納夜涼星繁愁晝熱露重覺荷香蛙
吹鳴還息蛛羅滅又光正吟秋興賦桐影下西牆

早發

早霧濃於雨田深黍稻低出門雞未唱過客馬頻嘶樹
色遙藏店泉聲暗傍畦獨吟三十里城月尚如珪

愁

避愁愁又至愁至事難忘夜坐心中火朝為鬢上霜不
經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依
砌長蒼苔厚藤抽紫蔓肥
風鶯移樹轉雨燕入樓飛
不覺春光暮遠籬紅杏稀

雨霖晚眺

庚子年冬大
駕幸蜀後作

入谷路縈紆巖巔日欲晡
嶺雲寒埽蓋溪雪凍黏鬚
臥草跼如兔聽冰怯似狐
仍聞關外火昨夜徹皇都

賊中與蕭韋二秀才同卧重疾二君尋愈余獨加
焉恍忽之中因有題

與君同卧疾獨我漸彌留
弟妹不知處兵戈殊未休
胸中疑晉豎耳下鬪殷牛
縱有秦醫在懷鄉亦淚流

重圍中逢蕭校書

相逢俱此地此地是何鄉
側目不成語撫心空自傷
劍高無鳥度樹暗有兵藏
底事征西將年年成洛陽

宿山家

山行侵夜到雲竇一星燈
草動蛇尋穴枝搖鼠上藤
背風開藥竈向月展漁罾
明日前溪路煙蘿更幾層

和人歲宴旅舍見寄

積雪滿前除寒光夜皎如
老憂新歲近貧覺故交疎
意合論文後心降得句初
莫言常鬱鬱天道有盈虛

對酒賦友人

多病仍多感君心自我心浮生都是夢浩歎不如吟
白雪篇篇麗清醑盞盞深亂離俱老大強醉莫霑襟

潁陽縣

琴堂連少室故事即僊蹤樹老風聲壯山高臘候濃雪
多庭有鹿縣僻寺無鐘何處留詩客茆簷倚後峰

寄園林主人

主人常不在春物為誰開桃艷紅將落梨花雪又摧曉
鶯閑自嘒遊客暮空回尚有餘芳在猶堪載酒來

贈薛秀才

相辭因避世相見尚兵戈亂後故人少別來新話多但

聞哀痛詔未覩凱旋歌欲結岩樓伴何山好薜蘿

和元秀才別業書事

僻居春事好水曲亂花陰浪過河移岍雛成鳥別林綠
錢榆貫重紅障杏籬深莫飲宜城酒愁多醉易沉

紀村事

綠蔓映雙扉循牆一徑微雨多庭果爛稻熟渚禽肥釀
酒迎新社遙砧送暮暉數聲牛上笛何處餉田歸

題許僊師院

地古多喬木遊人到且吟院開金鑊澀門映綠篁深山
色不離眼鶴聲長在琴往來誰與熟乳鹿住前林

不寐

不寐天將曉心勞轉似灰
蚊吟頻到耳鼠鬪競緣臺
戶闇知蟾落林喧覺雨來
馬嘶朝客過知是禁門開

贈武處士

一身唯一室高靜若僧家
掃地留疎影穿池浸落霞
綠蘿臨水合白道向村斜
賣藥歸來醉吟詩倚釣查

春暮

一春春事好病酒起常遲
流水綠縈砌落花紅墮枝
樓高喧乳燕樹密鬪雛鷓
不學山公醉將何自解頤

哭麻處士

却到歌吟地閑門草色中
百年流水盡萬事落花空
總帳扃秋月詩樓鎖夜蟲
少微何處墮留恨白楊風

和友人

閉門同隱士不出動經時
靜閱王維畫閑翻褚允棋
落泉當戶急殘月下窓遲
却想從來意譙周亦自嗤

春愁

寓思本多傷逢春恨更長
露濡湘竹淚花墮越梅妝
睡怯交加夢閑傾潑灑
觴後庭人不到斜月上松篁

晚春

花開疑乍富花落似初貧
萬物不如酒四時唯愛春
峨

峨秦氏髻皎皎洛川神風月應相笑年年醉病身

送崔郎中往使西川行在

拜書辭玉帳萬里劍關長新馬杏花色綠袍春草香一
身朝玉陛幾日過銅梁莫戀爐邊醉僊官待侍郎

潤州顯濟閣曉望

清曉水如鏡隔江人似鷗遠煙藏海島初日照揚州地
壯孫權氣雲凝庾信愁一篷何處客吟凭釣魚舟

過當塗縣

客過當塗縣停車訪舊遊謝公山有墅李白酒無樓采
石花空發烏江水自流夕陽誰共感寒鷺立汀洲

鐬白

白髮太無情朝朝鐬又生始因絲一縷漸至雪千莖不
避佳人笑唯慙稚子驚新年過半百猶歎未休兵

遣興

如幻如泡世多愁多病身亂來知酒聖貧去覺錢神異
國清明節空江寂寞春聲聲林上鳥喚我北歸秦

建昌渡暝吟

月照臨官渡鄉情獨浩然鳥棲彭蠡樹月上建昌船市
散漁翁醉樓深賈客眠隔江何處笛吹斷綠楊煙

歲除對王秀才作

我惜今宵促君愁玉漏頻豈知新歲酒猶作異鄉身雪
向寅前凍花從子後春到明追此會俱是隔年人

酒渴愛江清

酒渴何方療江波一掬清瀉甌如練色漱齒作泉聲味
帶他山雪光含白露精只應千古後長稱伯倫情

南遊富陽江中作

南去又南去此行非自期一飄雲作伴千里月相隨浪
跡花應笑哀容鏡每知鄉園不可問禾黍正離離

婺州水館重陽日作

異國逢佳節憑高獨苦吟一杯今日酒萬里故鄉心水

館紅蘭合山城紫菊深白衣雖不至鷗鳥自相尋

避地越中作

避世移家遠天涯歲已周豈知今夜月還是去年愁露
果珠沉水風螢燭上樓傷心潘騎省華髮不禁秋

信州溪岸夜吟作

夜倚臨溪店懷鄉獨苦吟月當山頂出星倚水湄沉霧
氣漁燈冷鐘聲谷寺深一城人悄悄琪樹宿僊禽

齊安郡

彌棹齊安郡孤城百戰殘傍村林有虎帶郭縣無官暮
角梅花怨清江桂影寒黍離緣底事撩我起長歎

寄江南諸弟

萬里逢歸鴈鄉書忍淚封吾身不自保爾道各何從性拙唯多蹇家貧半為慵祇思溪影上卧看玉華峰

雞公嶺

去襄城縣二十里

石狀雖如憤山形可類雞向風疑欲鬪帶雨似聞啼蔓織青籠合松長翠羽低不鳴非有意為怕客奔齊

靈席

一閉香閨後羅衣盡施僧鼠偷筵上果蛾撲帳前燈土蝕釵無鳳塵生鏡少菱有時還影響花葉曳香繒

舊居

芳草又芳草故人楊子家青雲容易散白日等閑斜皓質留殘雪香魂逐斷霞不知何處笛一夜叫梅花

歲晏同左生作

歲暮鄉關遠天涯手重攜雪埋江樹短雲壓夜城低寶瑟湘靈怨清砧杜魄啼不須臨皎鏡年長易淒淒

秋霖晚景

秋霖禁城晚六街煙雨殘牆頭山色健林外鳥聲歡翹日樓臺麗清風劍佩寒玉人襟袖薄斜凭翠闌干

覽蕭必先卷

滿軸編新句脩然大雅風名因五字得命合一言通景

盡才難盡吟終意未終似逢曹與謝煙雨思何窮

寓言

為儒逢世亂吾道欲何之學劍已應晚歸山今又遲故
人三載別明月兩鄉悲惆悵滄江上星星鬢有絲

哭同舍崔員外

却到同遊地三年一電光池塘春草在風燭故人亡祭
罷泉聲急齋餘磬韻長碧天應有恨斜日吊松篁

婺州和陸諫議將赴闕懷陽羨山居

望闕路仍遠子年魂欲飛道開燒藥鼎僧寄卧雲衣故
國饒芳草他山挂夕暉東陽雖勝地王粲奈思歸

不出院楚公

自三衢至江西作

一自禪關閉心猿日漸馴不知城郭路稀識市朝人復
帶塔前雪衣無寺外塵却嫌山翠好詩客往來頻

漁塘十六韻

在朱陽縣石岩下古老云洛山一泓流出此山

洛水分餘脉穿巖出石稜碧經嵐氣重清帶露華澄瑩
澈通三島巖梧積萬層巢由應共到劉阮想同登壁峻
苔如畫山昏霧似蒸撼松衣有雪題石硯生水路熟雲
中客名留域外僧飢猿尋落橡鬪鼠墮高藤嶮樹臨溪
亞殘莎帶岬崩持竿聊藉草待月好垂簾對景思任父
開圖想不興晚風輕浪疊暮雨濕煙凝似泛靈槎出如

迎羽客昇仙源終不測勝概自相仍欲別誠堪戀長歸
又未能他時操史筆為爾著良稱

和薛先輩見寄初秋寓懷即事之作二十韵

玉律初移候清風乍遠襟一聲禪到耳千炬火然心嶽
靜雲堆翠樓高日半沉引愁憎暮角驚夢怯殘磬露白
凝霜簟風篔韻蜀琴鳥喧從果爛堦淨任苔侵柿葉添
紅景槐柯減綠陰採珠逢寶窟閱石見瑤林魯殿鏗寒
玉苔山激碎金邨堂流桂景陳巷集車音名自張華顯
詞因葛亮吟水深龍易失天遠鶴難尋鑿貌寧慙樂論
才豈謝任義心孤劍直學海怒濤深既覩文兼質翻疑

古在今慙聞紆綠綬即候挂朝簪晚樹連秋塢斜陽映
暮岑夜蟲方唧唧疲馬正駸駸託跡同吳燕依仁似越
禽會隨仙羽化香蟻且同斟

初秋寓懷即事同舊韵

大火收殘暑清光漸惹襟謝莊千里思張翰五湖心暮
角迎風急孤鐘向暝沉露滋三徑草日動四鄰碁簟委
班姬扇蟬悲蔡琰琴方愁丹桂遠已怯二毛侵甃石迴
泉脉移碁就竹陰觸絲蛛墮網避隼鳥投林貌愧潘郎
璧文慙吕相金但埋鄴獄氣未發爨桐音靜笑劉琨舞
閑思阮籍吟野花和露劇怪石入雲尋跡竟終非幻幽

全五言 卷一
閑且自任趨時慙藝薄託質仰恩深美價方稀古清名
已絕今既聞留縞帶詎肯擲著簪逢客虛高閣迎僧出
亂岑壯心徒戚戚逸足自駸駸安羨倉中鼠危同幕上
禽期君調鼎鼎他日俟羊斟

三用韻

素律初迴馭商飈暗觸襟乍傷詩客思還動旅人心蟬
噪因風斷鱗遊見鷺沉笛聲隨晚吹松韻激遙砧地覆
青袍草窻橫綠綺琴煙霄難自致歲月易相侵澗柳橫
孤約巖藤架密陰瀟湘期釣侶鄆杜別家林遺愧虞卿
璧言依季布金鉞聞郢唱次第發巴音螢影衝簾落

蟲聲擁砌吟樓高思共釣寺遠想同尋入夜愁難遣逢
秋恨莫任蝸遊苔徑滑鶴步翠塘深莫問榮蕪辱寧論
古與今固窮憐瓦牖感舊惜蒿簪晚日舒霞綺遙天倚
黛岑鴛鴦方翾翾驥驥整駸駸未化投陂竹空思出谷
禽感多聊自遣桑落且閑斟

李氏小池亭十二韻

時在婺州
寄居作

積石亂巉巉庭莎綠不芟小橋低跨水危檻半依巖花
落魚爭唼櫻紅鳥競鷗引泉疏地脈掃絮積山嵌古柳
紅綃織新篁紫綺絨養猿秋嘯月放鶴夜棲杉枕蓐谿
雲膩池塘海雨鹹語窓鷄逞辨砥鼎犬偏饒踏蘚青粘

履攀蘿綠映衫訪僧舟北渡貰酒日西銜
遲客登高閣題詩遶翠岳家藏何所寶清韻滿琅函

和李秀才郊墅早春吟興十韻

暖律變寒光東君景漸長我悲遊海嶠君說住柴桑
雪色隨高嶽水聲陷古塘草根微吐翠梅朵半含霜
酒市多逋客漁家足夜航匡廬雲傍屋彭蠡浪衝林
綠擺楊枝嫩紅挑菜甲香鳳凰城已盡鸚鵡賦應狂
佇見龍辭沼寧憂雁失行不應雙劍氣長在斗牛傍

和鄭拾遺秋日感事一百韻

禍亂天心厭流離客思傷有家拋上國無罪謫遐方負

笈將辭越揚飄欲泛湘避時難駐足感事易回腸雅道
何銷德妖星忽耀芒中原初縱燎下國竟探湯盜據三
秦地兵纏八水鄉戰塵輕犯關羽旆遠巡梁自此修文
代俄成講武場熊羆驅逐鹿犀象走昆陽御馬迷新棧
宮娥改舊粧五丁功再覩八難事難忘鳳引金根疾兵
環玉弩彊建牙維可恃摩壘詎能防霍廟神遐遠圮橋
路杳茫出師威似虎禦敵狠如羊眉畫猶思赤巾裁未
厭黃晨趨鳴鐵騎夜舞挹瓊觴僭侈彤襜亂誼呼繡鬃
攘但聞爭曳組詎見學垂韉鵲印提新篆龍泉奪曉霜
軍威徒逗撓戎武自維揚負宸勞天眷凝旒念國章繡

旗張畫獸寶馬躍紅鴛但欲除妖氣寧思蔽耿光曉煙
生帝里夜火入春坊鳥怪巢官樹狐驕上苑墻設危終
在德視履豈無祥氣激雷霆怒神驅岳竇忙功高分虎
節位下耻龍驤遍命登壇將巡封異姓王志未扶墜典
力未振頽綱漢路閑鷓鴣雲衢駐驢驢寶裝軍器麗麝
衰戰袍香日覩兵書捷時聞虜騎亡人心驚獬豸雀意
伺螳螂上略咸推妙前鋒詎可當紆金光照耀執玉意
藏昂覆餗非無謂奢華事每詳四民皆組綬九土墮耕
桑飛騎黃金勒香車翠鈿裝八珍羅膳府五采鬪匡牀
宴集喧華第歌鐘簇畫梁永期傳子姓寧誤犯天殃未

覩君除側徒思玉在傍竄身奚可保易地喜相將國運
方夷險天心詎測量九流雖暫蔽三柄豈相妨小孽乖
躔次中興繫昊蒼法堯功已普罪已德非涼帝念惟思
理臣心豈自違詔催青瑣客時待紫微郎定難輸宸筭
勝災減御梁皇恩思蕩蕩睿澤轉洋洋偃卧雖非晚艱
難亦備嘗舜庭招諫鼓漢殿上書囊儉德遵三尺清朝
俟一匡世隨漁父醉身效接輿狂竄逐同天寶遭罹異
建康道孤悲海滙家遠隔天潢卒歲貧無褐經秋病泛
漳似魚甘去乙比蟹未成筐守道慙無補趨時愧不臧
殷牛常在耳晉豎欲潛育忸恨山思板懷歸海欲航角

吹魂悄悄笛引淚浪浪亂覺乾坤窄貧知日月長勢將
隨鶴列忽喜遇駕行已報新回駕仍聞近納隍文風銷
劍植禮物換旂常紫闥重開序青衿再設庠黑頭期命
爵頰尾尚憂魴吳坂嘶騏驎岐山集鳳皇詞源波浩浩
諫署玉鏘鏘飼雀曾傳慶烹蛇詎有殃殳弓揮勁鏃匣
劍淬神鏗諤寧慚直堂堂不謝張曉風趨建禮夜月
直文昌去國時雖久安邦志不常良金鑪自躍美玉櫝
難藏北望心如旆西歸律變商跡隨江燕去心逐塞鴻
翔晚翠籠桑塢斜暉挂竹堂路愁千里月田愛萬斯箱
伴釣歌前浦隨樵上遠鷺眠依晚嶼鳥浴上枯楊驚

夢緣歌枕多吟為倚廊訪僧紅葉寺題句白雲房
青楓老尊前紫菊芳夜燈耿耿曉露玉瀼瀼異國
傾蓋歸塗俟併糧身雖留震澤心已過雷塘執友知誰
在家山各已荒海邊登桂楫煙外泛雲樯巢樹禽思越
嘶風馬戀羗寒聲愁聽杵空館厭聞蜩望闕飛華蓋
朝振玉璫米慙無意故麵喜有枕榔話別心重結傷時
淚一滂佇歸蓬島後綸詔潤青絢

卷四十二
 全五代詩卷四十二
 羅江李調元雨村編
 前蜀
 韋莊
 咸陽懷古
 城邊人倚夕陽樓
 城上雲凝萬古愁
 山色不知秦苑廢
 水聲空傍漢宮流
 李斯不向倉中悟
 徐福應無物外遊
 莫怪楚吟偏斷骨
 野烟蹤跡似東周
 夏初與候補闕江南有約同泛淮
 汴西赴行朝莊自九驛路先至
 甬橋補闕由淮楚續至泗上寢病

全五代詩卷四十二

羅江李調元雨村編

前蜀

韋莊

咸陽懷古

城邊人倚夕陽樓
 城上雲凝萬古愁
 山色不知秦苑廢
 水聲空傍漢宮流
 李斯不向倉中悟
 徐福應無物外遊
 莫怪楚吟偏斷骨
 野烟蹤跡似東周

夏初與候補闕江南有約同泛淮
 汴西赴行朝莊自九驛路先至
 甬橋補闕由淮楚續至泗上寢病



旬日遽聞捐館回首悲慟因成長句四韵弔之
本約同來謁帝闈忽隨川浪去東奔九重聖主方虛席
千里高堂尚倚門世德只應榮伯仲詩名終自付兜孫
遙憐月落清淮上寂寞何人弔旅魂

酬吳秀才雲川相送

一葉南浮去似飛楚鄉雲水本無依離心不忍聞春鳥
病眼何堪送落暉襟袂客從花下散棹舟人回鏡中歸
夫君別我應惆悵十五年來識素衣

雜感

莫悲建業荆榛滿昔日繁華是帝京莫愛廣陵臺榭好

也曾蕪沒作荒城魚龍爵馬皆如夢風月烟花豈有情
行客不勞頻悵望古來朝市歎哀榮

婺州屏居蒙右省王拾遺車枉降訪病中延候不
得因成寄謝

三年流落卧漳濱王粲思家拭淚頻畫角莫吹殘月夜
病心方憶故園春自為江上樵蘇客不識天邊侍從臣
怪得白鷗驚去盡綠蘿門外有朱輪

送范評事入關

寂寥門戶寡相親日日頻來只有君正喜琴尊長作伴
忽攜書劍遠辭羣傷心柳色離亭見聒耳蟬聲故國聞

為報明年杏園客與留絕艷待終軍

咸通

咸通時代物情奢歡殺金張許史家破產競留天上樂
鑄山爭買洞中花諸郎宴罷銀燈合僊子遊迴壁月斜
人意似知今日事急催弦管送年華

寄湖州舍弟

半年江上愴離襟好把新詩喜又吟多病似逢秦氏藥
久貧如得顧家金雲煙但有穿楊志塵土多無作吏心
何況別來辭轉麗不愁明代少知音

絳州過夏留獻鄭尚書

朝朝沉醉引金船不覺西風滿樹蟬光景暗消銀燭下
夢魂長寄玉輪邊因循每被時流誚奮發須由國士憐
明月客腸何處斷綠槐風裏獨揚鞭

江皋贈別

金管多情恨解攜一聲歌罷客如泥江亭繫馬綠楊短
野岸維舟春草齊帝子夢魂烟水濶謝公詩思碧雲低
風前不用頻揮手我有家山白日西

和同年韋學士華下途中見寄

綠楊城郭雨淒淒過盡千輪與萬蹄送我獨游三蜀路
羨君新上九霄梯馬驚門外山如活花笑尊前客似泥

正是清和好時節不堪離恨劍門西

傷灼灼

灼灼蜀之麗人也近聞貧且老殂落子成都市中因以四韵吊之

嘗聞灼灼麗於花雲髻盤時未破瓜桃臉曼長橫綠水
玉肌香膩透紅紗多情不住神仙界薄命曾嫌富貴家
流落錦江無處問斷魂飛作碧天霞

漢州

比懷初到漢州城郭邑樓臺觸目驚松桂影中旗旆色
芟荷風裏管絃聲人心不似經離亂時運還應却太平
十日醉眠金鴈驛臨歧無限臉波橫

獨吟二首

一作悼亡

默默無言惻惻悲閑吟獨傍菊花籬只今已作經年別
此後誰為幾歲期開篋每尋遺念物倚樓空綴悼亡詩
夜來孤枕空腸斷窓月斜輝夢覺時
六七年來春又秋也同歡笑也同愁纔聞及第心先喜
試說求婚淚便流幾為妬米頻歛黛每思閑事不梳頭
如今悔恨將何益腸斷千休與萬休

下第題青龍寺僧房

千蹄萬轂一枝芳要路無媒果自傷題柱未期歸蜀國
曳裾何處謁吳王馬嘶春陌金羈關鳥睡花林繡羽香
酒薄恨濃消不得却將惆悵問支郎

號州澗東村居作

東南騎馬出郊垌回首寒烟隔郡城清澗漲時翹鷺喜
綠桑疎處哺牛鳴兒童見少生於客奴僕驕多倨似兄
試望家田還自適滿畦秋水稻苗平

尹喜宅

荒原秋殿柏蕭蕭何代風煙占寂寥紫氣已隨僊仗去
白雲空向帝鄉消濛濛暮雨春雞唱漠漠寒蕪雪兔跳
欲問靈蹤無處所十洲空濶閩山遙

途中望雨懷歸

滿空寒雨漫霏霏去路雲深鎖翠微牧豎遠當煙草立

飢禽閑傍渚田飛誰家樹壓紅榴折幾處籬懸白菌肥
對此不堪鄉外思荷蓑遙羨釣人歸

灞陵道中作

春橋南望水溶溶一桁晴山倒碧峰秦苑落花零露濕
灞陵新酒撥醅濃青龍天矯盤雙闕丹鳳雛裊隔九重
萬古行人離別地不堪吟罷夕陽鐘

秋日早行

上馬蕭蕭襟袖涼路穿禾黍繞官牆半山殘月露華冷
一岍野風蓮萼香煙外驛樓紅隱隱渚邊雲樹暗蒼蒼
行人自是心如兔走烏飛不覺長

全五代詩
卷三
三
歎落花

一夜霏微露濕烟
曉來和淚喪婢娟
不隨殘雪埋芳草
盡逐香風上舞筵
西子去時遺笑靨
謝娥行處落金鈿
飄紅墮白堪惆悵
少別穠華又隔年

宮怨

一辭同輦閉昭陽
耿耿寒宵禁漏長
釵上翠禽應不返
鏡中紅艷豈重芳
螢低夜色棲瑤草
水咽秋聲傍粉牆
展轉令人思蜀賦
解將惆悵感君王

關河道中

槐柏蟬聲柳市風
驛樓高倚夕陽東
往來千里路長在

聚散十年人不同
但見時光流似箭
豈知天道曲如弓
平生志業匡堯舜
又擬滄浪學釣翁

題盤豆驛水館後軒

極目晴川展畫屏
地從桃塞接蒲城
灘頭鷺占清波立
原上人侵落照耕
去雁數行天際沒
孤雲一點淨中生
憑軒盡日不迴首
楚水吳山無限情

對雪獻薛常侍

瑤林瑤樹忽珊珊
急帶西風下晚天
皓鶴褰襟飛不辨
玉山重叠凍相連
松裝粉穗臨窓亞
水結冰錐簇溜懸
門外寒光利如劍
莫推紅袖斫金船

題裴端公郊居

暫隨紅旆佐藩方
高跡終期卧故鄉
已近水聲開澗戶
更侵山色架書堂
蒲生岼脚青刀利
柳拂波心綠帶長
莫奪野人樵牧興
白雲不識繡衣郎

貴公子

大道青樓御苑東
玉欄仙杏壓枝紅
金鈴犬吠梧桐月
朱鬣馬嘶楊柳風
流水帶花穿巷陌
夕陽和樹入簾櫳
瑤池宴罷歸來醉
笑說君王在月宮

聽趙秀才彈琴

滿匣冰泉咽又鳴
玉音閑澹入神清
巫山夜雨弦中起

湘水清波指下生
蜂簇野花吟細韻
蟬移高柳迸殘聲
不須更奏幽蘭曲
卓氏門前月正明

觀獵

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鶻翻錦翅雲中落
犬帶金鈴草上飛
直待四郊高鳥盡
掉鞍齊向國門歸

三堂東湖作

滿塘秋水碧沄澄
十畝菱花晚鏡清
影動新橋橫蝦蟇
岼鋪芳草睡鷓鴣
蟾投夜魄當湖落
嶽倒秋蓮入浪生
何處最添詩客興
黃昏煙雨亂蛙聲

放榜日作

一聲天鼓闢金扉三十仙才上翠微
葛水霧中龍乍變
緱山煙外鶴初飛
鄒陽暖艷催花發
太皞春光簇馬歸
回首便辭塵土世
彩雲新換六銖衣

寄薛先輩

懸知回日綵衣榮
仙籍高標第一名
瑤樹帶風侵物冷
玉山和雨射人清
龍翻瀚海波濤壯
鶴出金籠燕雀驚
不說文章與門地
自然毛骨是公卿

寄從兄遵

江上秋風正釣鱸
九重天子夢翹車
不將高卧邀劉主

自吐清談護漢儲
滄海十年龍景斲
碧雲千里雁行疎
相逢莫話歸山計
明日東封待直廬

登漢高廟閑眺

獨尋仙境上高原
雲雨深藏古帝壇
天畔晚風青簇簇
檻前春樹碧團團
參差郭外樓臺小
斷續風中鼓角殘
一帶遠光何處水
釣舟閑繫夕陽灘

耒陽縣浮山神廟

一郡皆傳此廟靈
廟前松桂古今青
山曾堯代浮洪水
地有唐臣奠綠醺
遠座香風吹寶蓋
傍簷煙雨濕巖扃
為霖自可成農歲
何用興師遠伐邢

三堂早春

獨倚危樓四望遙杏花春陌馬聲驕池邊冰刃暖初落
山上雪稜寒未銷溪送綠波穿郡宅日移紅影度村橋
主人年少多情味笑換金龜解珥貂

贈雲陽裴明府

南北三年一解攜海為深谷岬為蹊已聞陳勝心降漢
誰為田橫國號齊暴客至今猶戰鶴故人何處尚驅雞
歸來能作煙波伴我有漁舟在五溪

長年

一作感懷

長年方悟少年非人道新詩勝舊詩十畝野塘留客釣

一軒春雨對僧棋花間醉任黃鶯語亭上吟從白鷺窺
大道不將爐冶去有心重築太平基

辛丑年

九衢漂杵已成川塞上黃雲戰馬閑但有羸兵填渭水
更無奇士出商山田園已沒紅塵裏弟妹相逢白刃間
西望翠華殊未返淚痕空濕劍文斑

思歸

暖絲無力自悠揚牽引東風斷客腸外地見花終寂寞
異鄉聞樂更淒涼紅垂野岸櫻還熟綠染汀草又芳
舊里若為歸去好子期洞謝吕安亡

憶昔

昔年曾向五陵遊子夜歌清月滿樓銀燭樹前長似畫
露桃華下不知秋西園公子名無忌南國佳人號莫愁
今日亂離俱是夢夕陽唯見水東流

宿泊孟津寄三堂友人

解纜西征未有期槐花又逼桂花時鴻臚陌上歸耕晚
金馬門前獻賦遲只恐愁苗生兩鬢不堪離恨入雙眉
分明昨夜南池夢還抱漁竿詠楚詞

天井關

太行山上雲深處誰向雲中築女牆短綆詎能垂玉甃

繚垣何用學金湯
斷開嵐翠為高壘
截斷雲霞作巨防
守吏不教飛鳥過
赤眉何路到吾鄉

夜景

滿庭松桂雨餘天
宋玉秋聲韻蜀弦
烏兔不知多事世
星辰長似太平年
誰家一笛吹殘暑
何處雙砧擣暮煙
欲把傷心問明月
素娥無語淚娟娟

對梨花贈皇甫秀才

林上梨花雪壓枝
獨攀瓊艷不勝悲
依前此地逢君處
還是去年今日時
且戀殘陽留綺席
莫推紅袖訴金卮
騰騰戰鼓正多事
須信明朝難重持

題潁源廟

曾是巢由棲隱地百川唯說潁源清微波乍向雲根吐
去浪遙衝雪嶂橫萬木倚簷疎幹直羣峰當戶曉嵐晴
臨川試問堯年事猶被封人勸濯纓

新正日商南道中作寄李明府

相看又見歲華忻依舊楊朱拭淚巾踏雪偶因尋戴客
論文還比聚星人嵩山不改千年色洛邑長生一路塵
今日與君同避世却憐無事是家貧

饒州餘干縣琵琶洲有故韓賓客宣城裴尚書脩
行李侍郎舊居遺址猶存客有過之感舊因以和

吟

琵琶洲近斗牛星鸞鳳曾於此放情已覺地靈因鼎降
更聞川媚有珠生一灘紅樹留佳氣萬古清弦續政聲
戟戶盡移天上去里人空說舊簪纓

鄜州留別張員外

江南相送君山下塞北相逢朔漠中三楚故人皆是夢
十年陳事只如風莫言身世他時異且喜琴尊數日同
惆悵却愁明日別馬嘶山店雨濛濛

過漢陂懷舊

辛勤曾寄玉峰前一別雲溪二十年三徑荒涼迷竹樹

四鄰凋謝變桑田
美陂可是當時事
紫閣空餘舊日煙
多少亂離無處問
夕陽吟罷涕潸然

和人春暮書事寄崔秀才

半掩朱門白日長
晚風輕隨落梅妝
不知芳草情何限
只怪遊人思易傷
纔見早春鶯出谷
已驚新夏燕巢梁
相逢只賴如澆酒
一曲狂歌入醉鄉

邊上逢薛秀才話舊

前年同醉武陵亭
絕倒閑談坐到明
也有絳脣歌白雪
更憐紅袖奪金觥
秦雲一片如春夢
楚市千燒作故城
今日幡然對芳草
不勝東望涕交橫

送福州王先輩南歸

豫章城下偶相逢
自說今方遇玉公
八韻賦吟染苑雪
六銖衣惹杏園風
名標玉籍仙壇上
家寄閩山畫障中
明日一杯何處別
綠楊煙岫雨濛濛

夜雪泛舟遊南溪

大江西面小溪斜
入竹穿松似若耶
兩岫巖風吹玉樹
一灘明月曬銀砂
因尋野渡逢漁舍
更泊前灣上酒家
去去不知歸路遠
棹聲煙裏獨嘔啞

銅儀

銅儀一夜變葭灰
暖律還吹嶺上梅
已喜漢官今再覩

全五什言
更驚堯歷又重開
窓中遠岫青如黛
門外長江綠似苔
誰念閉關張仲蔚
滿庭風雨長蒿萊

含香

含香高步已難陪
鶴到清霄勢未回
遇物旋添芳草句
逢春寧滯碧雲才
微紅幾處花心吐
嫩綠誰家柳眼開
却去金鑿為近侍
便辭鷗鳥不歸來

春雲

春雲春水兩溶溶
倚郭樓臺晚翠濃
山好只因人化石
地靈曾有劍為龍
官辭鳳闕頻經歲
家住峨眉第幾峰
王粲不知多少恨
夕陽吟斷一聲鐘

雲散

雲散天邊落照和
闌闌春樹鳥聲多
劉伶避世唯沉醉
甯戚傷時亦浩歌
已恨歲華添皎鏡
更悲人事逐頽波
青雲自有鷓鴣待
莫說他山好薜蘿

袁州作

家家生計只琴書
一郡清風似魯儒
山色東南連紫府
水聲西北屬洪都
煙霞盡入新詩卷
郭邑閑開古畫圖
正是江村春酒熟
更聞春鳥勸提壺

題袁州謝秀才所居

主人年少已能詩
更有松軒挂夕暉
芳草似袍連徑合

白雲如鳥傍蒼飛，但將竹葉消春恨。莫遣楊花上客衣，若有前山好煙雨，與君吟到暝鐘歸。

謁巫山廟

亂猿啼處訪高唐，路入煙霞草木香。山色未能忘宋玉，水聲猶似哭襄王。朝朝暮暮陽臺下，為雨為雲楚國亡。惆悵廟前無限柳，春來空鬪畫眉長。

鷓鴣

南禽無侶似相依，錦翅雙雙傍馬飛。孤竹廟前啼暮雨，汨羅祠畔弔殘暉。秦人只解歌為曲，越女空能畫作衣。懊惱澤家非有恨，年年長憶鳳城歸。

送李秀才歸荆溪

八月中秋月正圓，送君吟上木蘭船。人言格調勝元度，我愛篇章敵浪仙。晚渡去時衝細雨，夜灘何處宿寒烟。楚王宮去陽臺近，莫倚風流滯少年。

洪州送西明寺省上人遊福建

記得初騎竹馬年，送師來往御溝邊。荆榛已失當時路，槐柳全無舊日煙。遠自嵇山遊楚澤，又從廬岳去閩川。新春闕下應相見，紅杏花中覓酒僊。

泛鄱陽湖

四顧無邊鳥不飛，大波驚隔楚山微。紛紛雨外靈均過，

金五仙詩
先聖
瑟瑟雲中帝子歸
迸鯉似梭投遠浪
小舟如葉傍斜暉
鷓夷去後何人到
愛者雖多見者稀

黃藤山下聞猿

黃藤山下駐歸程
一夜號猿吊旅情
入耳便能生百恨
斷腸何必待三聲
穿雲宿處人難見
望月啼時兔正明
好笑五陵年少客
壯心無事也沾纓

章江作

杜陵歸客正徘徊
玉笛誰家叫落梅
之子棹從天外去
故人書自日邊來
楊花慢惹霏霏雨
竹葉閑傾滿滿杯
欲問維揚舊風月
一江紅樹亂猿哀

九江逢盧員外

前年風月宿琴堂
大媚僊山近帝鄉
別後幾沾新雨露
亂來猶記舊篇章
陶潛豈是銅符吏
田鳳終為錦帳郎
莫怪相逢倍惆悵
九江煙月似瀟湘

南昌晚眺

南昌城郭枕江煙
章水悠悠浪拍天
芳草綠遮僊尉宅
落霞紅襯賈人船
霏霏閣上千山雨
嘒嘒雲中萬樹蟬
怪得地多章句客
庾家樓在斗牛邊

湘中作

千重煙樹萬重波
因便何妨弔汨羅
楚地不知秦地亂

南人空怪北人多，臣心未肯教遷鼎。天道還應欲止戈，
否去泰來終可待。夜寒休唱飯牛歌。

桐廬縣作

錢塘江盡到桐廬，水碧山青畫不如。白羽鳥飛嚴子瀨，
綠蓑人釣季鷹魚。潭心倒影時開合，谷口閑雲自卷舒。
此境只應詞客愛，投文空吊木元虛。

東陽贈別

繡袍公子出旌旗，送我搖鞭入翠微。大抵行人難許酒，
就中辭客易沾衣。去時此地題橋去，歸日何年佩印歸。
無限別情言不得，回看溪柳恨依依。

長安清明

早是傷春夢雨天，可堪芳草更芊芊。內官初賜清明火，
上相閑分白打錢。紫陌亂嘶紅叱撥，綠楊高映畫鞦韆。
遊人記得承平事，暗喜風光似昔年。

使院黃葵花

薄妝新著淡黃衣，對捧金鑪侍醮遲。向日似矜傾國貌，
倚風如唱步虛詞。乍開檀炷疑聞語，試與雲和必解吹。
為報同人看來好，不禁秋露即離披。

奉和觀察郎中春暮憶花言懷見寄四韵之什

天畔峨眉簇簇青，楚雲何處隔重扃。落花帶雪埋芳草，

全五代詩
卷五
春雨和風濕畫屏對酒莫辭衝暮角望鄉誰解倚南亭
惟君信我多惆悵只願陶陶不願醒

奉和左司郎中春物暗度感而成章

纔喜新春已暮春夕陽吟殺倚樓人錦江風散霏霏雨
花市香飄漠漠塵今日尚追巫峽夢少年應遇洛川神
有時自患多情病莫是生前宋玉身

全五代詩卷四十三

羅江李調元雨村編

前蜀

韋莊

贈邊將

昔因征遠向金微馬出榆關一鳥飛萬里只攜孤劍去
十年空逐塞鴻歸手招都護新降虜身著文皇舊賜衣
只待煙塵報天子滿頭霜雪為兵機

春日

忽覺東風景漸遲野梅山杏暗芳菲落星樓上吹殘角

偃月營中挂夕暉
旅夢亂隨蝴蝶散
離魂漸逐杜鵑飛
紅塵遮斷長安陌
芳草王孫暮不歸

早秋夜作

翠簾初清暑半銷
撤簾松韻送輕飈
莎庭露永琴書潤
山郭月明砧杵遙
傍砌綠苔鳴蟋蟀
遠簷紅樹織蟪蛄
不須更作悲秋賦
王粲辭家鬢已凋

又聞湖南荆渚相次陷沒

幾時聞唱凱旋歌
處處屯兵未倒戈
天子只憑紅旆壯
將軍空恃紫髯多
屍填漢水連荆阜
血染湘雲接楚波
莫問流離南越事
戰餘空有舊山河

家叔南遊却歸四獻賀

繚繞江南一歲歸
歸來行色滿戎衣
長聞鳳詔徵兵急
何事龍韜獻捷稀
旅蟲遠依湘水澗
離魂空伴越禽飛
逆知倚棹思家處
澤國煙深暮雨微

洛陽吟

時大駕在蜀梁冠未
平洛中寓居作七言

萬戶千門夕照邊
開元時節舊風煙
官官試馬遊三市
舞女來舟上九天
胡騎北來空進主
漢皇西去竟昇仙
如今父老偏垂淚
不見承平四十年

過舊宅

華軒不見馬蕭蕭
廷尉門人久寂寥
朱檻翠樓為卜肆

玉欄僊杏作春樵塔前雨落鴛鴦瓦竹裏苔封蟠螭橋
莫問此中銷歇寺娟娟紅淚滴芭蕉

喻東軍

四年龍馭守峨嵋鐵馬西來步步遲五運未教移漢鼎
六韜何必待秦師幾時鸞鳳歸丹闕到處烏鴛從白旗
獨把一樽和淚酒隔雲遙奠武侯祠

清河縣樓作

有客微吟獨凭樓碧雲紅樹不勝愁盤鵬迴印天心沒
遠水斜牽日脚流千里戰塵連上苑九江歸路隔東周
故人此地揚帆去何處相思雪滿頭

北原閑眺

春城迴首樹重重立馬平原夕照中五鳳灰殘金翠滅
六龍遊去市朝空千年王氣浮清洛萬古坤靈鎮碧嵩
欲問向來陵谷事野桃無語淚花紅

贈戍兵

漢皇無事暫遊汾底事狐狸嘯作羣夜指碧天占晉分
曉磨孤劍望秦雲紅旌不卷風長急畫角閑吹日又曛
止竟有征須有戰洛陽何用久屯軍

觀軍迴戈

關中羣盜已心離關外猶聞羽檄飛御苑綠莎嘶戰馬

金五代詩 卷五
禁城寒月搗征衣漫教漢信兵塗地不及劉琨嘯解圍
昨日屯軍還夜遁滿車空載洛神歸

中渡晚眺

魏王堤畔草如煙有客傷時獨扣舷妖氣欲昏唐社稷
夕陽空照漢山川千重碧樹籠春苑萬縷紅霞襯碧天
家寄杜陵歸不得一迴回首一潸然

河內別村業閑題

阮氏清風竹巷深滿溪松竹似山陰門當谷路多樵客
地帶河聲足水禽閑伴爾曹雖適意靜思吾道好霑襟
鄰翁莫問傷時事一曲高歌夕照沉

聞官軍繼至未覩凱旋

嫖姚何日破重圍秋草深來戰馬肥已有孔明傳將略
更聞王導得神機陣前鼙鼓暗應響城上烏鳶飽不飛
何事小臣偏注目帝鄉遙羨白雲歸

和集賢侯學士分司丁侍御秋日雨霽之作

洛岍秋晴夕照長鳳樓龍闕倚清光玉泉山淨雲初散
金谷樹多風正涼席上客知蓬島路坐中寒有柏臺霜
多慙十載遊梁士却伴賓鴻入帝鄉

題安定張使君

器度風標合出塵桂宮何負一枝新成丹始見金無滓

金五仙詩
卷五
衝斗方知劍有神憤氣不銷頭上雪政聲空布海邊春
中興若繼開元事堪向龍池作近臣

洛北村居

十畝松篁百畝田歸來方屬大兵年岩邊石室低臨水
雲外嵐峰半入天鳥勢去投金谷樹鐘聲遙出上陽煙
無人說得中興事獨倚斜暉憶仲宣

立春

青帝東來日馭遲煖烟輕逐曉風吹扇袍公子樽前覺
錦帳佳人夢裏知雪圃乍開紅菜甲綵幡新剪綠楊絲
殷勤為作宜春曲題向花牋帖繡楣

東遊遠歸

扣角千名計已疎劍歌休恨食無魚辭家柳絮三春半
臨路槐花七月初江上欲尋漁父醉日邊時得故人書
青雲不識楊生面天子何由問子虛

上元縣

湖西作

南朝三十六英雄角逐興亡盡此中有國有家皆是夢
為龍為虎亦成空殘花舊宅悲江令落日青山弔謝公
止竟霸圖何物在石麟無主卧秋風

江上逢史館李學士

前年分袂陝城西醉凭征軒日欲低去浪指期魚必變

全五代詩 卷三
出門回首馬空嘶關河自此為征壘城闕於今陷戰輦
時巢寇未平誰為世途陵是谷燕來還識舊巢泥

謁蔣帝廟

建業城邊蔣帝祠素髯清骨舊風姿江聲似激秦軍破
山勢如匡晉祚危殘雪嶺頭明組練晚霞簷外簇旌旗
金陵客路方流落空祝回鑿奠酒卮

聞再幸梁洋

纔喜中原息戰輦又聞天子幸巴西延燒魏闕非關燕
太狩陳倉不為雞興慶玉龍寒自躍昭陵石馬夜空嘶
遙思萬里行宮夢太白山前月欲低

王道者

五雲遙指海中央金鼎曾傳肘後方三島路岐空有月
十洲花木不知霜因攜竹杖聞龍氣為使僊童帶橘香
應笑我曹身是夢白頭猶自學詩狂

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙窟
只似人間富貴家繡戶夜攢紅燭市舞衣晴曳碧天霞
却愁宴罷青蛾散楊子江頭月半斜

和侯秀才同友生泛舟溪中相招之作

嵇阮相將棹酒船晚風侵浪水侵舷輕如控鯉初離岸

全五代詩 卷五
遠似乘槎欲上天
雨外鳥歸吳苑樹
鏡中人人洞庭煙
憑君不用回舟疾
今夜西江月正圓

代書寄馬

驅馳曾在五侯家
見說初生自渥洼
鬃白似披梁苑雪
頸肥如撲杏園花
休嫌綠綬嘶貧舍
好著紅纓入使衙
穩上雲衢千萬里
年年長踏魏堤沙

題淮陰侯廟

滿把椒漿奠楚祠
碧幢黃鉞舊英威
能扶漢代成王業
忍見唐民陷戰機
雲夢去時高鳥盡
淮陰歸日故人稀
如何不借平齊策
空看長星落賊圍

觀湖西府相畋遊

十里旌旗十萬兵
等閑遊獵出軍城
紫袍日照金鵝關
紅旆風吹畫虎樽
帶箭彩禽雲外落
避鵬寒兔月中驚
歸來一路笙歌滿
更有僊娥載酒迎

題姑蘇凌處士莊

一簇林亭返照間
門當官道不曾關
花深遠岫黃鸝鬧
雨急春塘白鷺閑
載酒客尋吳苑寺
倚樓僧看洞庭山
怪來話得僊中事
新有人從物外還

贈漁翁

草衣荷笠鬢如霜
自說家編楚水陽
滿岸秋風吹枳橘

遠陂煙雨種菰蔸，蘆刀夜鱸紅鱗膩。水甌朝蒸紫芋香，
曾向五湖期范蠡。爾來空闊久相忘。

過揚州

當年人未識兵戈，處處青樓夜夜歌。花發洞中春日永，
月明衣上好風多。淮王去後無雞犬，煬帝歸來葬綺羅。
二十四橋空寂寂，綠楊摧折舊官河。

寄石省李起居

既向鴛行接雁行，便應雙拜紫薇郎。纔聞闕下徵書急，
已覺回朝草詔忙。白馬似憐朱紱貴，綵衣遙惹御爐香。
多慙十載浮梁客，未換青襟侍素王。

對雨獨酌

榴花新釀綠於苔，對雨閑傾滿滿杯。荷鋤醉翁真達者，
卧雲逋客竟悠哉。能詩豈是經時策，愛酒原非命世才。
門外綠蘿連洞口，馬嘶應是步兵來。

汴堤行

欲上隋堤舉步遲，隔雲烽燧叫非時。纔聞破虜將休馬，
又道征遼再出師。朝見西來為過客，暮看東去作浮屍。
綠楊千里無飛鳥，日落空投舊店基。

自孟津舟西上雨中作

秋煙漠漠雨濛濛，不卷征颿任晚風。百口寄安滄海上，

一身逃難綠林中來時楚岫楊花白去日隋堤蓼穗紅
却到故園翻似客歸心迢遞秣陵東

過內黃縣

相州吹角欲斜陽匹馬搖鞭宿內黃僻縣不容投刺客
野陂時遇射鵰郎雲中粉蝶新城壘店後荒郊舊戰場
猶指去程千萬里秣陵煙樹在何鄉

江上題所居

故人相別盡朝天苦竹江頭盡閉關落日亂蟬蕭帝寺
碧雲歸鳥謝家山青州從事來偏熟泉布先生老漸慳
不是對花常酌酌永嘉時代不如閑

將卜蘭芷村居留別郡中在任

蘭芷江頭寄斷蓬移家空載一飄風伯倫嗜酒還因醉
平子歸田不為窮避世漂零人境外結茅依約畫屏中
從今隱去應難覓深入蘆花作釣翁

和陸諫議避地寄東陽進退未決見寄

未歸天路紫雲深暫駐東陽歲月侵入洛聲華當世重
閱周章句滿朝吟開爐夜看黃芽鼎臥甕閑歌白玉簪
讀易草元人不會憂君心是致君心

山墅閑題

遷迤前岡壓後岡一村桑柘好斜陽主人饋餉炊紅黍

鄰父携竿釣紫魴靜極却嫌流水鬧閑多翻笑野雲忙
有名不那無名客獨閉衡門避建康

江上逢故人

前年送我曲江西紅杏園中醉似泥今日逢君越溪上
杜鵑花發鷓鴣啼來時舊里人誰在別後滄波路幾迷
江畔玉樓多美酒仲宣懷土莫淒淒

旅中感遇寄呈李秘書昆仲

南望愁雲鑠翠微謝家樓閣雨霏霏劉楨病後新詩少
阮籍貧來好客稀猶喜故人天外至許將孤劍日邊歸
懷鄉不怕嚴陵笑只待秋風別釣磯

江上村居

本無踪跡戀柴扃世亂須教識道情顛倒夢魂愁裏得
擬奇詩句望中生花緣艷絕裁難好山為看多詠不成
聞道漢軍新破虜使來仍說近離京

江邊吟

江邊烽燧幾時休江上行人雪滿頭誰信亂離花不見
只應惆悵水東流陶潛政事千杯酒張翰生涯一葉舟
若有片帆歸去好可堪重倚仲宣樓

江南送李明府入關

雨花煙柳傍江邨流落天涯酒一樽分首不辭多下淚

回頭唯恐更消魂我為孟館三千客君繼寧王五代孫
正是中興磐石重莫將顛顛入都門

柳谷道中作却寄

馬前紅葉正紛紛馬上離情斷殺魂曉發獨辭殘月店
暮程遙宿隔雲村心知岳色留秦地夢逐河聲出禹門
莫怪苦吟鞭拂地有誰傾蓋待王孫

訪含宏山僧不遇留題精舍

滿院桐花鳥雀喧寂寥芳草茂芊芊吾師正遇歸山日
閑客空題到寺年池竹閉門教鶴守琴書開篋任僧傳
人間不自尋行跡一片孤雲在碧天

東林寺再遇僧益大德

見師初事懿皇朝三殿歸來白馬驕上講每教傾國聽
承恩偏得內官饒當時可愛人如畫今日相逢鬢已凋
若向君門逢舊友為傳音信到雲霄

西塞山下作

西塞山前水似藍亂雲如絮滿澄潭孤峰漸映潞城北
片月斜生夢澤南巖動曉煙烹紫蕨雲和香帶摘黃柑
他年却棹扁舟去終傍蘆花結一菴

夏口行寄婺州諸弟

回頭煙樹各天涯婺女星邊遠寄家盡眼楚波連夢澤

滿衣春雪落江花，雙雙得伴爭如雁。一歸巢却羨鷓鴣，誰道我隨張博望。悠悠空外泛僂僂。

南省伴直

甲寅年自江
南到京後作

文昌二十四僂曹，盡倚紅簷種露桃。一洞煙霞人跡少，六行槐柳鳥聲高。星分夜彩寒侵帳，蘭惹春香綠映袍。何事愛留詩客宿，滿庭風雨竹蕭騷。

鄆杜舊居二首

却到山陽事事非，谷雲谿鳥尚相依。阮咸貧去田園盡，向秀歸來父老稀。秋雨幾家紅豆熟，野塘何處錦鱗肥。年年為獻東堂策，長是蘆花別釣磯。

一徑尋村渡碧溪，稻花香澤水千畦。雲中寺遠磬難識，竹裏巢深鳥易迷。紫菊亂開連井合，紅榴初綻拂簷低。歸來滿把如澆酒，何用傷時歎鳳兮。

投寄舊知

却將顛顛入都門，自喜青雲足故人。萬里有家留百越，十年無路到三秦。推殘不是當時貌，流落空餘舊日貧。多謝青雲好知己，莫教歸去重沾巾。

題汧陽縣馬跑泉李學士別業

水滿寒塘菊滿籬，籬邊無限彩禽飛。西園夜雨紅櫻熟，南畝清風白稻肥。草色自留閑客住，泉聲如待主人歸。

金五代詩

卷五

前蜀

十一

九霄岐路忙於火宵戀斜陽守釣磯

綏州作

雕陰無樹水難流雉堞連雲古帝州帶雨晚馳鳴遠戍
望鄉孤客倚高樓明妃去日花應笑蔡琰歸時鬢已秋
一曲單于暮烽起扶蘇城上月如鉤

與東吳生相遇

及第後
出關作

十年身事各如萍白首相逢淚滿纓老去不知花有態
亂來唯覺酒多情貧疑陋巷春偏少貴想豪家月最明
且對一尊開口笑未衰應見秦階平

庭前桃

曾向桃源爛漫遊也同漁父泛僊舟皆言洞裏千株好
未勝庭前一樹幽帶雨似垂湘女淚無言如伴息媯愁
五陵公子饒春恨莫引香風上酒樓

病中聞相府夜宴戲贈集賢盧學士

滿筵紅蠟照香鈿一夜歌鐘欲沸天花裏亂飛金錯落
月中爭認繡連乾尊前莫話詩三百醉後寧辭酒十千
無那兩三新進士風流長得飲徒憐

出關

馬嘶煙岫柳陰斜東去關山路轉賒到處因循綠嗜酒
一生惆悵為判花危時祇合身無著白日那堪事有涯

金瓶梅

卷之三

前蜀

十三

正是灞陵春耐綠仲宣何事獨辭家

過樊川舊居時在華州駕前奉使入蜀作

却到樊川訪舊遊夕陽衰草杜陵秋應劉去後苔生閣
嵇阮歸來雪滿頭能說亂離唯有燕解偷閑暇不如鷗
千桑萬海無人見橫笛一聲空淚流

汧陽間一作汧陽縣間

汧水悠悠去似緝遠山如畫翠眉橫僧尋野渡歸吳嶽
雁帶斜陽入渭城邊靜不收蕃帳馬地貧惟賣隴山鷄
牧童何處吹羌笛一曲梅花出塞聲

悼亡姬

鳳去鸞歸不可尋十洲仙路彩雲深若無少女花應老
為有姮娥月易沉竹葉豈能消積恨丁香空解結同心
湘江水濶蒼梧遠何處相思弄舜琴

龍潭

激石懸流雪滿灣九龍潛處野雲閑欲行甘雨四天下
且隱澄潭一頃間浪引浮槎依北岸波分曉日見東山
垂髯倘遇穆王駕閭苑周流應未還

下邳感舊太平廣記莊幼時常在華山下邳縣僑居多與鄰巷諸兒會賦及黃明亂後再經舊里追思往事但有遺蹤因賦詩

以記之云

昔為童稚不知愁竹馬閑乘繞縣遊曾為看花偷出郭

全五代詩

卷四

前蜀

十五

全五代詩 卷三
也因逃學暫登樓招他邑客來還醉僂得先生去始休
今日故人何處問夕陽衰草盡荒邱

塗次逢李氏兄弟感舊

御溝西面朱門宅記得當時好弟兄曉傍柳陰騎竹馬
夜隈燈影弄先生巡街趁蝶衣裳破上屋探雛手脚輕
今日相逢俱老大憂家憂國盡公卿

冬日長安感志寄獻虢州崔郎中二十韻

帝里無成久滯淹別家三度見新蟾却說丹桂無人指
阮籍青襟有淚霑溪上却思雲滿屋鏡中惟怕雪生鬢
病如原憲誰能療蹇似劉禎豈用占霧雨十年同隱遁

風雷何日振沉潛吁嗟每被更聲引歌詠還因酒思添
客舍正甘愁寂寂郡樓遙想醉愀愀已聞鈴閣懸新詔
即向綸闈副具瞻濟物便同川上檝慰心還似邑中黔
觀星始覺中郎貴問俗方知太守廉宅後綠波棲畫鷁
馬前紅袖簇丹檐閑招好客斟香蟻悶對瓊花詠散鹽
積凍慢封寒雷細暮雲高拔遠峰尖訟堂無事水生印
水榭高唵月透簾松下圍棋期楮允筆頭飛箭薦陶謙
未知匣劍何時躍但恐鉛刀不再銛雖有遠心長擁篲
恥將新劍學編苫纔驚素節移銅律又見元冥變玉籤
百口似萍依廣岸一身如燕戀高簷如今正困風波力

更向人中問宋纖

癸丑年下第獻新先輩

五更殘月省牆邊
絳旆蜺旌卓曉烟
千炬火中鶯出谷
一聲鐘後鶴冲天
皆乘駿馬先歸去
獨被羸童笑晚眠
對酒暫時情豁爾
見花依舊淚潸然
未酬闕澤傭書債
猶欠君平賣卜錢
何事欲休休
不得來年公道似今年

全五代詩卷四十四

羅江李調元雨村編

前蜀

韋莊四

春早

聞鶯纔覺曉
閉戶已知晴
一帶窻門月
斜穿枕上生
飲散呈主人

夢覺笙歌散
空堂寂寞秋
更聞城角弄
煙雨不勝愁
即事

亂世時偏促
陰天日易昏
無言搔白首
憔悴倚東門

全五代詩

卷四十四

前蜀

一

勉兒子

養爾逢多難常憂學已遲辟疆為上相何必待從師

贈姬人

莫恨紅裙破休嫌白屋低請看京與洛誰在舊香閨

對酒

何用巖棲隱姓名一壺春耐可忘形伯倫若有長生術
直到如今醉未醒

驚秋

不向煙波狎釣舟強親文墨事儒邱長安十二槐花陌
曾負秋風多少秋

送日本國僧敬龍歸

扶桑已在渺茫中家在扶桑東更東此去與師誰共到
一船明月一帆風

古離別

晴煙漠漠柳毵毵不那離情酒半酣更把玉鞭雲外指
斷腸春色在江南

寓言

黃金日日銷還鑄僊桂年年折又生兔走鳥飛如未息
路塵終見泰山平

登咸陽縣樓望雨

全五代詩

卷四

前蜀

二

亂雲如獸出山前
細雨和風滿渭川
盡日空濛無所見
雁行斜去字聯聯

立春日作

九重天子去蒙塵
御柳無情依舊春
今日不關妃妾事
始知辜負馬嵬人

寄江南逐客

二年音信阻湘潭
花下相思酒半酣
記得竹齋風雨夜
對床孤枕話江南

冬夜

睡覺寒爐酒半消
客情鄉夢兩遙遙
無人為我磨心劍

割斷愁腸一寸苗

楚行吟

章華臺下草如烟
故郢城頭月似弦
惆悵楚宮雲雨後
露啼花笑一年年

村笛

簫韶九奏韻淒鏘
曲度雖高調不傷
却見孤村明月夜
一聲牛笛斷人腸

題吉澗盧拾遺莊

主人西遊去不歸
滿溪春雨長春薇
怪來馬上詩情好
印破青山白鷺飛

題許渾詩卷

江南才子許渾詩字字清新句句奇十斛明珠量不盡
思林虛作碧雲詞

殘花

和烟和露雪離披金藥紅鬚尚滿枝十日笙歌一宵夢
芎蘿因一作烟雨矢一作哭西施

金陵圖

誰謂傷心畫不成畫人心逐世人情君看六幅南朝事
老木寒雲滿故城

贈野童

羨爾無知野性真亂搔蓬髮笑看人閑衝暮雨騎牛去
骨問中興社稷臣

官莊

江南富民悉以犯酒沒家產因此以詩諷之制帥遂改酒法不入財產

誰氏園林一簇煙路人遙指盡長歎桑田稻澤今無主
新犯香醪沒入官

解維

又解征帆落照中暮程還過秣陵東二作三年辛苦烟波
裏贏得風姿似釣翁

雨霽池上作呈侯學士

鹿巾藜杖葛衣輕雨歇池邊晚吹清正是如今江上侯

白鱗紅稻紫蓴羹

江亭酒醒却寄維揚餞客

別筵人散酒初醒
江步黃昏雨雪零
滿坐綺羅皆不見
覺來紅樹背銀屏

臺城

江雨霏霏江草齊
六朝如夢鳥空啼
無情最是臺城柳
依舊烟籠十里堤

旅次甬西見兒童以竹槍紙旗戲為陣列主人叟

曰斯子也三代沒于陣
思所襲祖父讐予因感之
已聞三世沒軍營
又見兒孫學戰爭
見爾此言堪慟哭

遣子何日望時平

東陽酒家贈別

天涯方歎異鄉身
又向天涯別故人
明日五更孤店月
醉醒何處各霑巾

聞春鳥

雲晴春鳥滿江村
還似長安舊日聞
紅杏花前應笑我
我今憔悴亦羞君

櫻桃樹

記得花開雪滿枝
和蜂和蝶帶花移
如今花落游蜂去
空作主人惆悵詩

倚柴關

策杖無言獨倚關如癡如醉又如閒孤吟盡日何人會
依約前山似故山

題七步廊

席門無計那殘陽更接簷前七步廊不羨東都丞相宅
每行吟得好篇章

語松竹

庭前芳草綠於祀堂上詩人欲二毛多病不禁秋寂寞
雨松風竹莫騷騷

含山店夢覺作

曾為流離慣別家等閒揮袂客天涯燈前一覺江南夢
惆悵起來山月斜

題貂黃嶺官軍

散騎蕭蕭下太行遠從吳會去陳倉斜風西雨江亭上
盡日凭欄憶楚鄉

垣縣山中尋李書記山居不遇留題河次店

白雲紅樹屹崕嶺一作嶺東名鳥羣飛古畫中僊吏不知何處
隱山南山北雨濛濛

送人遊并汾

風雨蕭蕭欲暮秋獨攜孤劍塞垣游如今虜騎方南牧

莫過陰關第一州

東陽酒家贈別

送君同上酒家樓
酌酹翻成一笑休
正是落花饒悵望
醉鄉前路莫回頭

江外思鄉

年年春日異鄉悲
杜曲黃鶯可得知
更被夕陽江岸上
斷腸烟柳一絲絲

夢入關

夢中乘傳過關亭
南望蓮峰簇簇青
馬上正吟歸去好
覺來江月滿前庭

送人歸上國

送君江上日西斜
泣向江邊滿樹花
若見青雲舊相識
為言流落在天涯

獨鶴

夕陽灘上立裴回
紅蓼風前雪翅開
應為不知棲宿處
幾回飛去又飛來

新栽竹

寂寞階前見此君
遶欄吟罷却沾巾
異鄉流落誰相識
唯有叢篁似一作伴主人

稻田

綠波春浪滿前陂極目連雲襪極肥更被鷺鷥千點雪
破烟來入畫屏飛

庭前菊

為憶長安爛熳開我今移爾滿庭栽紅蘭莫笑青青色
曾向龍山泛酒來

燕來

去歲辭巢別近鄰今來空訝草堂新花間對語應相問
不是村中舊主人

江行西望

西望長安白日遙半年無事駐蘭橈欲將張翰秋江雨

畫作屏風寄鮑昭

衢州江上別李秀才

千山紅樹萬山雲把酒相看日又曛一曲離歌兩行淚
更知何地再逢君

訪潯陽友人不遇

不見安期海上樓寂寥人對鷺鷥愁蘆花雨急江州暝
何處潺潺獨棹舟

丙辰年鄜州遇寒食城外醉吟五首

滿街楊柳綠絲煙畫出清明二月天好是隔簾花樹動
女郎撩亂送鞦韆

全五代詩 卷四
淮陰寒食足遊人金鳳羅衣濕麝薰腸斷入城芳草路
淡紅香白一羣羣

開元坡下日初斜拜掃歸來走鈿車可惜數株紅艷好
不知今夜落誰家

馬驕風疾玉鞭長過去唯留一陣香閑客不須燒破眼
好花皆屬富家郎

雨絲烟柳欲清明金屋人閑煖鳳笙水日迢迢無一事
隔街聞築一作氣球聲

長于塘別徐茂才
亂離時節別離輕別酒應須滿滿傾纔喜相逢又相送

有情爭得似無情

白牡丹

閨中莫妬新妝婦陌上須慚傅粉郎昨夜月明渾似水
入門唯覺一庭香

憫耕者

何代何王不戰爭盡從離亂見清平如今暴骨多於土
猶點鄉兵作戍兵

壺關道中作

處處兵戈路不通却從山北去江東黃昏欲到壺關寨
疋馬寒嘶野草中

全五代詩

卷四

前蜀

九

僕者楊金

半年辛苦葺荒居不獨單寒暄亦虛努力且為田舍客
他年為爾覓金魚

春陌

滿街芳草卓香車僊子門前白日斜腸斷東風各回首
一枝春雪凍梅花

晏起

雨來中酒起常遲卧看南山舊詩閉戶日高春寂寂
聲啼鳥上花枝

幽居春思

綠映紅藏江上村一聲雞大似山源閉門盡日無人到
翠羽春禽滿樹喧

與小女

見人初解語嘔啞不肖歸戀小卑一夜嬌啼緣底事
為嫌衣少縷金花

虎跡

白額頻頻夜到門水邊蹤跡漸成羣我今避世棲岩穴
崑穴如何又見君

聞回戈軍

上將麤兵又欲旋翠華巡幸已三年營中不用栽楊柳

頭戴儒冠為控弦

南鄰公子

南鄰公子夜歸聲
數炬銀燈隔竹明
醉凭馬鬣扶不起
更邀紅袖出門迎

憶小女銀娘

睦州江上水門西
藥揚州各解攜
今日天涯夜深坐
斷腸偏憶阿銀犁

女僕阿汪

念爾辛勤歲已深
亂離相失又相尋
他年待我門如市
報爾千金與萬金

河清縣河亭

由來多感莫憑高
竟日衷腸似有力
人事任成陵與谷
大河東去自滔滔

鍾陵夜闌作

鍾陵風雪夜將深
坐對寒江獨苦吟
流落天涯誰見問
少卿應識子卿心

殘花

江頭沈醉泥斜暉
却向花前慟哭歸
惆悵一年春又去
碧雲芳草雨依依

搖落

全五代詩

卷四

前蜀

十一

搖落秋天酒易醒
淒淒長似別離情
黃昏倚柱不歸去
腸斷綠荷風雨聲

令狐亭

若非天上神仙宅
須是人間將相家
想得當時好煙月
管弦吹殺後庭花

江上別李秀才

前年相送灞陵春
今日天涯各避秦
莫向尊前惜沈醉
與君俱是異鄉人

白櫻桃

王母堦前種幾株
水精簾外看如無
只應漢武金盤上

瀉得珊瑚白露珠

合歡蓮花

虞舜南巡去不歸
二妃相誓死江湄
空留萬古香魂在
結作雙葩合一枝

題李斯傳

蜀魄湘魂萬古悲
未悲秦相死秦時
臨刑莫恨倉中鼠
上蔡東門去自遲

離筵訴酒

感君情重惜分離
送我殷勤酒滿卮
不是不能判酌酌
却憂前路醉醒時

贈禮佛名者

何用辛勤禮佛名我從無得到真庭尋師六祖傳心印
可是從來讀藏經

樟亭驛小櫻桃

當年此樹正花開五馬仙郎載酒來李白已亡工部死
何人堪伴玉山頽

宿蓬船

夜來江雨宿蓬船卧聽淋鈴不忍眠却憶紫微情調逸
阻風中酒過年年

撫州江口雨中作

江上閒衝細雨行滿衣風灑綠荷聲金驕掉尾橫鞭望
猶指廬陵半日程

宜君縣北卜居不遂留題王秀才別墅二首

本期同此臥林邛楮櫨爐前擁布裘何事却乘羸馬去
白雲紅樹不相留

明月嚴霜撲早貂羨君高卧正道遙門前積雪深三尺

火滿紅爐酒滿瓢

長安舊里

時在華州駕前
奉使入蜀作

滿目墻匡春草深傷時傷事更傷心車輪馬跡今何在
十二玉樓無處尋

焦崖閣

李白曾歌蜀道難長聞白日上青天今朝夜過焦崖閣
始信星河在馬前

姪人養蠶

昔年愛笑蠶家婦今日辛勤自養蠶仍道不愁羅與綺
女郎初解織桑籃

多情

一生風月供惆悵到處煙花恨別離止竟多情何處好
少年長抱長年悲

題酒家

酒綠花紅客愛詩落花春岸酒家旗尋思避世為逋客
不醉長醒也是癡

寄舍弟

每吟富貴他人合不覺汎瀾又濕衣萬里日邊鄉樹遠
何年何月得同歸

春陌

嫩煙輕染柳絲黃勾引花枝笑凭牆馬上王孫莫回首
好風偏逐羽林郎

中酒

南鄰酒熟愛相招醺甲傾來綠滿瓢一醉不知三日事

任他童穉作漁樵

暴雨

江村入夏多雷雨曉作狂霖晚又晴波浪不知深幾許
南湖今與北湖平

思歸引

越鳥南翔雁北飛兩鄉雲路各言歸如何我是飄飄者
獨向江頭戀釣磯

買酒不得

停樽待爾怪來遲手挈空瓶耗歸滿面春愁消不得
更看溪鷺寂寥飛

得故人書

正向溪頭自采蘇青雲忽得故人書殷勤問我歸來否
雙闕而今畫不如

洪州送僧遊福建

八月風波似鼓聲可堪波上各東西殷勤早作歸來計
莫戀猿聲住建溪

春愁

自有春愁正斷魂不堪芳艸思王孫落花窸窣黃昏雨
深院無人獨倚門

微有無人語

自春春愁五情

春愁

莫道春愁五情

八尺風寒心難

紙作

好開雨今盡不吐

玉向愁眉自來

許姑人書



